

江都縣志卷之二

江都縣知縣

五格黃湘

重修

星野祥異附

星麗九州各有分野其說由來尚矣雖後世一邑之方隅不足以當古一州星度推行之遲速今昔亦不能以悉協然觀文察變則所以徵休徵咎者豈遂謂尺寸土不上應天象哉辨其敘事修其政刑居位者蓋於此未可忽焉志星野

星經南斗牽牛吳越之分為揚州又云玉衡第一星主徐州常以五子日候之壬子為廣陵

江都縣志

卷之二 星野

一

周禮保章氏鄭註云星紀吳越也

黃帝始以星分次墊起斗十一度終婺女

七度曰星紀又曰須女為揚州分

史記天官書二十八舍主十二州吳楚之疆候在熒惑

占為鳥衡

正義云熒惑鳥衡皆南方之星鳥衡柳星也或曰張也

前漢天文志斗江湖牽牛婺女揚州地理志吳地斗分

越地牛女分

舊志云今之會稽九江丹陽豫章廣陵六合臨淮郡盡吳分野

後漢天文志牽牛主吳越又云廣陵屬吳

晉天文志自南斗十二度至須女七度為星紀於辰在

丑吳越之分屬揚州

郭璞曰日月五星之所終始故謂之星紀費直分星次斗十度至女

五度為星紀蔡邕分星次斗六度至須女二度謂之星紀大雪冬至居之

皇甫謐帝王世紀

云星紀自斗十一度至女七度吳越分魏太史令陳卓言郡國所入宿度廣陵入牛八度

隋書地理志云揚州於禹貢爲淮海之地在天官南斗十二度至須女七度爲星紀於辰在丑吳越得其分野唐地里志古揚州之域漢九江廬江江夏等郡廣陵六安國及南陽汝南臨淮之境揚楚滁和廬壽舒爲星紀分又云南斗在雲漢下流當淮海間爲吳分唐一行所分星次分野南斗牽女星紀之次也丑初起斗九度中斗二十四度終女四度其分野自廬江九江負淮水之南盡臨淮廣陵至於東海又逾南河得漢丹陽會稽豫

江都縣志

卷之二

星野

二

章郡西濱彭蠡南涉越州盡蒼梧南海古吳越及東南百粵之國皆星紀分也南斗在雲漢下流殷淮海之間爲吳分牽牛在南河浸遠故其分野自豫章東達會稽南逾嶺徼爲越分

宋兩朝天文志天市垣二十二星在氏房心尾箕斗間東西各列十一星其東垣南第六星曰吳越地理志云淮南東西路蓋禹貢荆徐揚豫之域而揚州爲多當南斗須女之分

元史志曰揚州北極出地三十三度又云星紀之次揚州之分

明清類分野書吳分野斗牛在丑自斗三度至女一度屬吳越爲揚州分諸星次不同然皆主斗牛女固無殊也至若賈公彥鄭夾漈蘓伯衡諸家所辨分野則紛紛互有異同云

按周禮保章氏註斗牛女揚州史記牽牛婺女揚州漢志牽牛婺女揚州斗南三度後漢書斗九星第六主揚州此皆統舉古之揚州而言其星次者也史記正義云南斗牽牛吳越分野後漢郡國志斗十一度至婺女七度今吳越分野晉志斗牽牛須女爲吳越揚州皇甫謐謂星紀自斗十一度至女七度爲吳越

江都縣志

卷之二

星野

三

分京房張衡則謂吳越會稽揚州入牛一度元志自斗四度入吳越分此皆統舉吳越而終歸於古揚州者也爾雅星紀斗牽牛吳分野漢志吳地斗分野淮南天文志須女爲吳劉向云吳地斗分野唐志南斗在雲漢下流當淮海間爲吳分此皆專指吳而不混吳於越以爲言者也漢書志廣陵爲吳地唐志揚州爲星紀分吳止廣陵星紀不止揚州今之揚州固繫星紀廣陵在吳又繫斗僧一行次分野南斗在雲漢下流淮海之間爲吳分此言星紀所該者廣而斗則專言於吳者也宋史揚當南斗須女之分又云南斗

六星亦主吳此又言星紀之分於揚於吳者也今廣陵西南則不盡古揚州亦不盡古吳地北則錯出古揚州而交吳楚之間其在星紀斗牛女之分爲古揚州地者爲府十有二爲州三今之揚州卽麗焉是則茲地之屬星紀大概屬斗度者多然必以某度屬某地無論古來論度想至之數紛紜不定卽定矣亦安能以府州縣之境尺寸而畫之與垂象者脗合不爽毫釐乎唐一行有兩戒山河之論用春秋十二國定分野而不必係之方隅元郭守敬推太陽黃道十二次入宮宿度係之十二國分亦一行之說也明劉誠

江都縣志

卷之二

星野

四

意清類天文於郡邑分度尤詳言星野者當可得究所指歸歟

斗宿斗曰天廟五星貫中日月正道爲丞相太宰之位酌量政事之宜褒進賢良稟授爵祿其南二星魁天梁也中央二星天相也北二星天府也亦爲壽命之期天子之事占於南斗星盛明者君臣一心天下和平爵祿得人

鰲十四星在斗南鰲爲水蟲歸太陰有星守之曰衣會主有水火守之旱

建六星在斗背臨於黃道天之都關也建斗之間七曜

之道南二星天庫也中央二星市也上二星旗跗也
天弁九星在建星北入河中官之長也主列肆闔閭土
籍之事以知市珍天雞二星在狗國北主候時天籥八
星在斗南斗杓之西主鎖鑰關閉狗國四星在建東北
主邊天淵十星在鰲東南主灌溉農丈夫一星在斗西
南主稼穡

牛宿牛天之關梁日月五星之中道主犧牲上一星主
道路次一星主關梁次三星主南越中一星主牛
天田九星在牽牛南大微東天子畿內之田也

九坎九黑里在天田東主溝渠所以道達泉源流瀉盈
江都縣志

卷之二

星野

五

溢

河鼓三星在牛宿北天鼓也中央大將軍左爲左將軍
右爲右將軍左旗右旗各九星在河鼓左右

天桴鼓桴也旗端四星南北列織女三星在河北天紀
東天女也主果蓏絲棉寶玉王者至孝鬼神喜則織女
星明天下和平

東足四星曰漸臺臨水之臺也主漏刻律呂之事西足
五星曰輦道

羅暝三星在牽牛東主堤塘壅蓄水潦灌溉田苗
女宿女下九尺爲日月中道天之少府也謂之須女又

曰婺女須女之賤者婺則女婦也主布帛裁製星明天
下豐女工昌

離珠五星在須女北須女之藏府也為女子之星

瓠瓜五星在離珠北主果食明則歲熟

旁五星曰敗瓜主種蒔與瓠瓜同

天津九星橫漢中津梁所渡

奚仲四星在天津北古車正也

扶箱七黑星主蠶事見則吉

祥異附

漢高帝元年十月五星聚於東井漢志云以歷推之從

江都縣志

卷之二

星野

六

歲星也此高祖受命之符

按五星木為歲星歷志云開闢初五星起於星紀木為東

方星紀為吳越元志云星紀之次揚州之分說者謂聚秦分野亦東南文明漸啟之徵

文帝五

年吳暴風雨壞城官府民室十二年有馬生角於吳

角在

耳前上嚮右角長三寸左角長二寸皆大二寸

景帝五年江都暴風從西方

來壞城十二丈 東漢明帝永平八年十月壬寅晦日

有蝕之在斗十一度 晉武帝咸寧元年五月廣陵大

風壞屋舍千餘家折樹木是月甲申廣陵大風又折木

太康二年春淮南地震四年秋七月大水五年秋霖雨

暴雨傷稼六年六月木連理生廣陵海西冬十二月震

電 惠帝元康二年大水五年夏五月大水六月大水

六年夏五月大水八年秋大水 懷帝永嘉三年填星

久守南斗 填星所居久者其國有福是時安東將軍瑯琊王睿始有揚土 夏大旱 哀

帝興寧元年夏四月揚州地震湖溢十二年四月廣陵

高平闔嵩家雌雞生無右翅 安帝元興二年廣陵江

夜暴漲漂沒居人義熙五年九月己丑廣陵雨雹 宋

文帝元嘉三年七月二日庚申日有蝕之在翼四度十

二年夏六月揚州諸郡大水運徐南兖穀以賑之 揚州西曹

主簿沈亮以為酒糜穀而不足療饑請權禁止從之 十五年七月壬申山陽師齊

獲白兔於南兖州十七年四月丁丑甘露降廣陵永福

里梁昌季家樹南兖州刺史江夏王義恭以聞十八年

江都縣志 卷之二 詳異 七

六月甘露降於廣陵孟玉季家樹十九年九月戊申廣

陵石梁澗中出石鐘九口大小行次引列南向是年南

兖州旱二十年再旱二十一年白燕見廣陵二十五年

白鹿見廣陵是年五月廣陵輿縣大浦流清有龍自湖

升天 太守范邈上言所領輿縣前有大浦控引潮流水常淤濁自此以來源流清潔纖鱗呈形故老相傳

以為 休瑞 八月壬子白燕見廣陵城廣陵王誕亦於是年獻

白燕二十八年七月戊戌嘉禾生廣陵邵伯埭 孝武

帝孝建三年六月白麀見廣陵大明元年竟陵王誕遷

鎮廣陵入城之日衝風暴起揚塵晝晦又中夜有赤光

照室三年三月辛卯白鹿見廣陵新市是年五月十九

日夜有流星大如斗杆尾長十餘丈從西北來墜廣陵
城內四年南兖州大水五月辛巳白雀見廣陵侍中顏
師伯以獻 齊高帝建元元年九月甘露降淮南郡桃
石榴二樹 武帝永明十一年廣陵獲白麀 梁武帝
普通元年江南連歲旱江揚尤甚百姓流亡 陳太建
十一年正月龍見南兖州池中十四年秋江水變赤色
隋文帝開皇二十年廣陵地震 煬帝大業十三年
江都宮城諸殿屋鴟尾上鐵索爲鳥鳥啣拔自淮及江
東西數百里絕水無魚五月辛卯夜有流星如甕墜於
江都十一月有石自江浮入於揚子津十四年三月暴

江都縣志

卷之二

祥異

八

風吹塵晝晦 唐太宗貞觀八年秋七月江淮大水

高宗總章元年江淮旱饑 武后垂拱元年秋九月淮

南地生毛或白或蒼長者尺餘遍居人牀下揚州尤甚

大如馬鬣長安元年乙亥楊楚常潤蘓五州地震 元

宗開元三年有熊晝入揚州城七年閏七月揚州奏一

角獸見九年秋七月丙辰揚州暴風雨發屋拔木十四

年秋大風自東北來海濤沒瓜步十九年四月揚州奏

穠稻生二百一十五頃 穠稻自生稻也 再熟稻一千八百頃 其粒

與常稻無異 天寶十年廣陵大風駕海潮沉江艘數十隻

肅宗上元二年秋大饑有鼃出於揚州城門上九月江

淮大饑 代宗大歷二年淮南水災 德宗建中三年

秋江淮訛言有毛人食其心人情大恐貞元三年春三

月揚州大水四年夏四月淮南地生毛六年大旱井泉

竭人渴死是年疫七年旱八年江淮大水害稼溺死人

廬舍 憲宗元和三年旱四年秋淮南旱六年淮南水旱

上命蠲其租上謂宰相曰卿輩屢言淮南去歲水旱近

有御史自彼還言不至為災李絳對曰御史欲為姦諛以悅上意耳上曰國以民為本

民間有災當急救之豈可復疑故有是命 七年揚州

旱九年秋淮南大水害稼 穆宗長慶三年饑五年夏

蝗 文宗太和七年秋揚州大水害稼八年三月揚州

火燔民舍千區十月復火燔民舍數千區開成元年六

江都縣志 卷之二 祥異 九

月揚州民呂明齊家馬生角長一寸三分二年夏旱運河竭

十二月火燔民舍數千家三年螟蝗害稼五年夏螟蝗

害稼六年饑九年蝗民饑 宣宗大中六年夏饑杜棕傳棕

鎮淮南時方旱道路流亡籍籍民於官河中漉得異米自給呼為聖米 九年以旱遣使巡

撫淮南減上供饋運蠲逋租又罷淮南冬至元旦常貢

以代下戶租稅 僖宗大中五年淮南饑九年秋旱饑

民多流亡遣使巡撫淮南減上供饋運蠲逋租節度使

於游宴上聞之十二年大水光啟元年揚州府署門屋

罷棕以崔鉉代自壞故隋之行臺門也規淮南蝗自西來行而不飛浮

水緣城入揚州府署竹樹幢節一夕如剪幡幟畫像皆

齧去其首撲不能止旬日自相食盡二年九月十大星
隕於揚州府署延和閣前有聲如雷光炎燭地冬十一
月陰晦雨雪至明年二月不解是年蝗揚州雨魚又有
白氣頭黑如髮自東南入於揚州城淮南蝗自西來三
年揚州大饑米斗萬錢是年高駢爲淮南節度使有二
雉雒府署駢惡之後畢師鐸入殺駢昭宗大順二年春大饑是後
大疫光化三年十月太白填星合於南斗天祐六年九
月黃河入揚州河兖州刺史奏河水東流濶七十里水勢南流入杏河及揚州河周
世宗顯德六年淮南饑世宗命以米貸之淮南江亭有
龍躍於水中 宋太祖建隆元年真州有龍異三年揚

江都縣志

卷之二

祥異

十

州饑遣使賑貸

戶部郎中沈義倫言饑民多死郡中軍備尚餘萬斛倘以貸民至秋收新粟公

私俱利有司阻之曰若來歲不稔孰任其咎義倫曰國家以廩粟濟民自當召和致豐寧憂水旱帝從之乾

德二年夏五月揚州暴風壞軍營舍百區三年六月揚

州暴風壞軍營及城上敵棚

太宗雍熙二年冬十二

月江水冰淳化五年民饑

真宗咸平元年旱景德元

年饑二年復饑六年江水溢壞官私廬舍大中祥符元

年詔江淮發運司歲留上供米五千石以備饑年賑濟

四年饑夏六月大水五年饑七年饑九年秋七月蝗天

禧元年春二月蝗夏六月大風吹蝗入江或抱草木僵

死乾興元年水災

仁宗天聖二年揚子縣大水漂溺

民居揚子尉胡宿曰拯溺吾職也四年秋九月江淮軍

州雨水壞民廬舍六年七月江水溢明道元年饑二年

復饑知通州吳遵路平價糶米及薪又建茅屋以處流移寶元四年春旱蝗慶歷

四年春旱三月遣內侍詣淮南祠廟祈雨皇祐三年秋

八月淮浙饑嘉祐六年秋七月淮南淫雨為災神宗

熙寧六年饑七年自春至夏淮南諸路久旱九月復旱

八年秋八月旱饑元豐四年春大水七年地藏寺殿後

牡丹一莖五色哲宗元祐八年秋八月淮南水紹聖

元年淮南禾一本九穗徽宗崇寧元年夏蝗大觀二

年大旱自夏六月不雨至於冬十月政和元年淮南旱

江都縣志 卷之二 祥異 七

六年水時江淮等處州軍被水民戶流移通判蒙安存恤得宜下詔褒美重和元年夏

大水民流移漂溺者眾遣使賑之高宗建炎二年十

一月高宗在揚州郊祀後數日有狂人具衣冠執香爐

攜絳囊拜於行宮門外自言天遣我為官家兒書於囊

紙刻於右臂皆是語鞠之不得姓名高宗以其狂釋不

問宋史五行志三年二月辛亥早朝有禽翠羽飛鳴行殿三

匝一再止於宰相汪伯彥朝冠紹興元年饑三年夏大

旱疫孝宗隆興二年秋七月霖雨壞廣陵田傷稼民

饑詔賑之乾道二年歲饑知揚州莫濛請發椿管米賑

濟五年夏秋旱蠲江淮等路紹興二十七年至乾道二

年終欠內藏庫歲額錢共八十七萬五千三百緡有奇
七年春旱淳熙三年秋淮甸大蝗揚及真泰捕五千斛
羣飛絕江十年夏旱遺蝗害稼在地者爲禿鷲所食飛
者以翼擊死詔禁捕鷲十六年揚州桑生瓜櫻桃生茄

光宗紹熙三年揚州饑出粟十萬石以賑四年秋七
月揚州漕廨東池並產瑞蓮五年八月揚州獻白兔

寧宗慶元五年揚州大水六年揚州乏食命守令賑之
開禧三年水嘉定元年淮南大饑民流徙江浙者百萬
人詔發廩米二十萬石錢一百萬緡命江浙制置使賑

之先是開禧開邊淮南殘於兵火農久失業米斗
二千殍死者十三四炮人馬肉馬糞中以食二年

江都縣志

卷之二

祥異

七

春兩淮大饑斗米錢數千道殣相望詔發廩賑令州郡
置粥院爲糜以活之是年詔兩浙淮南江東路荒歉諸
州收養遺棄小兒三年城市及田野數處產芝 理宗

寶慶元年揚城大火民廬焚毀知揚州杜庶賑恤之紹
定四年州北三十二里招賢鄉有鳳凰來因名其地曰

鳳凰林淳祐二年五月螟六年六月江淮飛蝗蔽空食
禾豆八年城南揚子橋開福寺大士殿基產芝三莖

廣八寸色
間紫赤

度宗咸淳九年十一月辛卯黎明有虎出

揚州市毛色微黑 元世祖至元十八年揚州火 成

宗元貞五年七月戊戌朔揚州晝晦風起東北雨雹大

德二年江水因大風溢高四五丈沿江漂沒廬舍 仁
宗皇慶二年八月大風延祐六年四月揚州火燔官民
舍一萬三千三百餘區 英宗至治三年江都火 泰
定帝時大風海溢 文宗天歷三年江都縣水 順帝
至元二年靈芝產於江都縣南一本九莖至正十二年
江淮蘆荻多為旗鎗人馬之狀間有紅暈成天下太平
四字十五年江淮間羣鼠叢擁如山過江東去十七年
揚州城中屋址徧生白菜 大者重十五觔小者亦不下八九觔 至正二年
八月揚子江水一夕忽竭舟楫皆滯泥塗江底出錢貨
無數人爭取之蓋歷來覆舟所沉者累日乃復通流識

江都縣志

卷之二

祥異

三

者曰此江嘯也

明太祖洪武二十二年七月海潮漲

溢壞海堰

宣宗宣德元年江都太和鄉獲白兔 英

宗正統二年江都火燔數千家十一月江都上方寺產

芝一本九年江流漲溢

代宗景泰五年五月揚州大

雪竹木多凍死七月復大雪冰結三尺海水亦凍 憲

宗成化三年七月海溢壞堰六十七處六年秋至七年

春揚州大旱運河竭十六年揚州旱有蝗從東北來蔽

空翳日

蝗以旱來來自東北詔令推究預防

孝宗宏治二年江都致仕

知府馬岱宅產芝一本十一年揚州鹽運司公署槐樹

上烏產白雛

毛羽鮮潔紅喙紅足馴擾可愛

十四年春至十六年秋揚

州大旱疫命王華賑之十七年江都民刁穆田產瑞麥
十八年揚州大旱飛蝗蔽天食田禾盡 武宗正德元
年正月朔揚州河水冰 結成樹木花卉之狀民間器皿
內冰合有成牡丹芍藥形者
十四年大風拔木江海溢數十丈漂沒廬舍 世宗嘉
靖元年七月二十五日大風雨江潮湧漲沒民居甚衆
二年江都縣大饑民相食且病疫是年大水衝決江都
泰州等處河堤四年揚州水五年揚州旱七年夏旱蝗
蝻生秋大水十九年夏揚州旱蝗自北而來傷田禾秋
復大水三十七年有黑白二龍鬪空中起西南折而東
大風晝晦星見所過折樹拔屋壞縣文廟民間器皿窻
屏及津渡木梁盤舞空際至百餘里外始墜 神宗萬
曆十年十月大風壞漕舟民船千餘艘二十一年揚州
漕堤決二十五年揚州雨黑豆 熹宗天啟元年天寧
寺烏巢生白鴉嘴距皆赤七月揚州雨紅沙 莊烈帝
十三年飛蝗食草木竹葉皆盡十四年大旱斗米錢四
百民掘蜀岡黃土食之呼曰觀音粉食之多死

國朝順治十一年江都有龍亘天鱗甲皆見雲皆成五色

光耀照人咸以爲太平之應十八年江都伐木造船木
中有觀音大士像眉目如畫 康熙四年江都水旱互
見免被災田畝稅糧十四年八月大風雨十日餘水驟

溢江都竹林寺漕堤決十九年夏江都麥秀兩岐有一莖三五穗者是後連歲豐稔二十二年有虎至江都黃珏橋踞民間竹園一日而去三十八年六月官河決邵伯堤壞民廬舍旋蒙

詔河臣修築民復安堵

雍正元年揚屬大稔七年七月江

都瓜洲草龍港忽集蝗蝻無數知縣陸朝璣同營弁往捕蝗投於江禾苗不損十年江都縣四境皆雨豆 乾隆自元年以來江都年穀順成河海清宴雖無奇祥異瑞之呈而士食舊德農服先疇工恬商嬉物無天札民無疵癘所謂百穀用成又用明俊民用章五者來備各江都縣志

卷之二

祥異

五

以其敘庶草蕃蕪府事其修和矣